

MATERIAS PENDENTES

Este Departamento acorda que o alumnado con materias pendentes seguirá un programa de reforzo destinado a recuperar as aprendizaxes non adquiridas.

Dito programa de reforzo será levado a cabo e supervisado polo profesor que imparta clases ó alumno no curso actual. Consistirá na realización dunha serie de actividades correspondentes ós contidos das materias non superadas, e a superación de exames baseados nelas:

- As actividades, que estarán a disposición do alumnado a partir do 29 de setembro de 2017, serán realizadas polo alumno ó longo do ano. Deixaranse disponibles as fotocopias dos exercicios propostos na conserxería do centro, e poñeranse tamén na páxina web do centro, (na sección do Departamento de Matemáticas).
- Para a recuperación de materias pendentes, o alumno DEBERÁ SUPERAR EXAMES cuxas cuestións, problemas e exercicios serán COMO AS ACTIVIDADES ENTREGADAS ao alumnado no programa de reforzo.

Os mínimos esixibles aos que se referirán os citados exames son os especificados nos anexos deste documento (ver Anexo: mínimos esixibles da programación didáctica no curso 2016-2017).

A continuación detállase a planificación dos exames de recuperación para cada nivel, e avaliación

AVALIACIÓN ORDINARIA DAS MATERIAS PENDENTES AO LONGO DO CURSO ACADÉMICO 2017-2018

PRIMEIRA AVALIACIÓN

Nas dúas últimas semanas do mes de novembro, celebrarase un exame para cada materia pendente.

- O alumno deberá realizar un exame por cada unha das materias pendentes
- A cualificación que constará a efectos académicos e de expediente na primeira avaliación será conforme á nota acadada neste exame.

Na táboa seguinte detállanse os contidos que se avaliarán en cada nivel

Materia	Bloques de Contidos
Matemáticas 1º ESO	Números Naturales Números Enteros Divisibilidad Fracciones Decimales Proporcionalidad
Matemáticas 2º ESO	Números Enteros. Potencias y raíces cuadradas Fracciones Proporcionalidad
Matemáticas Académicas 3º ESO	Números Racionales Potencias y notación científica Sucesiones

	Polinomios
Matemáticas Aplicadas 3ºESO	Números Racionales Potencias. Notación científica Sucesiones Polinomios

SEGUNDA AVALIACIÓN

Nas dúas últimas semanas do mes de febreiro, celebrarase un exame para cada nivel de materia pendente.

- O alumno deberá realizar un exame por cada unha das materias pendentes
- A cualificación que constará a efectos académicos e de expediente na segunda avaliación será conforme á nota acadada neste exame.

Na táboa seguinte detállanse os contidos que se avaliarán en cada nivel

Materia	Bloques de Contidos
Matemáticas 1º ESO	Introducción al álgebra Elementos básicos de geometría plana Polígonos Círculo y circunferencia Funciones Estadística y probabilidad
Matemáticas 2ºESO	Polinomios Ecuaciones Sistemas Teoremas de Pitágoras y Tales. Geometría Plana
Matemáticas Académicas 3ºESO	Ecuaciones Sistemas de ecuaciones Funciones Estadística Probabilidad
Matemáticas Aplicadas 3ºESO	Ecuaciones Sistemas de ecuaciones Funciones Estadística

TERCEIRA AVALIACIÓN E FINAL ORDINARIA

O procedemento para a avaliación dunha materia pendente de cursos anteriores nas avaliacións terceira e final dependerá dos resultados acadados polo alumno nos dous primeiros exames, e da nota media de ambos.

Poderanse dar os seguintes casos:

- **Caso 1:**
Se tanto no primeiro coma no segundo exame realizados a nota é maior ou igual a 3, e a media aritmética de ambos é igual ou superior a 5, a materia pendente queda superada. Dita nota media é a que figurará no expediente académico do alumno na terceira avaliación e na final.
- **Caso 2:**
Se nalgún dos exames de avaliación a nota non supera o 3, ou ben se a nota media de ambos é inferior a 5, o alumno deberá realizar un exame extraordinario no mes de maio, na data que dispoña o centro educativo.

- Este exame será redactado por todos os profesores do Departamento a partir dos mínimos esixibles establecidos na programación didáctica do curso 2015-2016.
- O alumno deberá realizar un exame por cada unha das materias pendentes que non teña superadas.
- A cualificación que constará a efectos académicos e de expediente nas avaliacións terceira e final, será conforme á nota acadada neste exame.

CASOS EXCEPCIONAIS NA AVALIACIÓN FINAL ORDINARIA EN XUÑO

As matemáticas son un área con carácter progresivo, polo tanto se un alumno ten varias materias pendentes no Departamento, e se dá a circunstancia de que consegue aprobar as correspondentes a un determinado nivel, poñeráselle un 5 na avaliación final das materias pendentes de niveis inferiores, independentemente dos resultados do seguemento do previamente descrito programa de reforzo (exames incluídos), e das cualificacións académicas que xa figuren no expediente do alumno en avaliacións anteriores.

Do mesmo xeito, como consecuencia destas observacións, se un alumno aproba en xuño as matemáticas do curso presente no que está matriculado, automaticamente obterá un 5 na avaliación final de todas as materias pendentes.

Estas consideracións manteranse aínda que o alumno cursase nos niveis de 3º e 4º de ESO materias diferentes.

Queda baixo a responsabilidade total e exclusiva do alumno arriscarse a acollerse a esta circunstancia como vía de recuperación das materias pendentes. En ningún caso o Departamento recomendará ou fomentará esta opción.

AVALIACIÓN EXTRAORDINARIA NO MES DE SETEMBRO DAS MATERIAS PENDENTES

No mes de setembro realizaranse as probas extraordinarias para a recuperación das materias pendentes nas datas indicadas no centro. Ditas probas farán referencia ós mínimos esixibles da materia dos niveis non superados, e serán elaboradas polos profesores do Departamento en relación ós mínimos esixibles redactados na programación didáctica do curso 2015-2016.

Considerarase que unha materia está superada cando a nota do exame sexa igual ou superior a 5.

Con respecto á recuperación das materias pendentes en setembro, cómpre facer as seguintes e importantísimas observacións:

- Na avaliación extraordinaria de setembro, existe a cualificación de non presentado, (que non existe no caso das outras avaliacións ordinarias do curso). Polo tanto, SE EN SETEMBRO, UN ALUMNO NON COMPARECE a un exame dunha materia pendente, obterá como CUALIFICACIÓN NON PRESENTADO, coas inevitables CONSECUENCIAS A EFECTOS DE PROMOCIÓN DE CURSO OU TITULACIÓN.

- No caso de presentarse a todos os exames de todas as materias pendentes, aprobar o exame correspondente a un determinado nivel supón superar todas as materias do departamento pendentes de cursos anteriores.

